



26.marts 2019

UPA2019/19

Uunga siunnersuut: Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata allangortinneqarnera pillugu Inatsisartut inatsisaat nr. xx, xx. xxx 2019-meersoq.

(Inatsisartunut ilaasortaq Aleqa Hammond, Nunatta Qitornai)

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata allangortinnissaannik naalakkersuisut siunnersuuteqarput. Siunnersuuteqarnermi qitiuvoq tassa maannakkut aningaasarsiat aningaasarsianut, aalajangiinermut tunngavigineqartartunut naleqqiullugu ukiup isertitaqarfiusup sinneranut 10%-mik tassanngaluunniit annertunerusumik allannguuteqartussatut ilimagineqarpata, isertitassatut ilimagineqartut tunuliaqutaralugit naatsorsorneqassasut aalajangersakkap danskisuuani allassimavoq, massa kalaallisuuani 5 %-usoq. Tamanna aaqqinneqartussanngorpoq.

Sullississutinik tunniussinermi akiliutilluunniit akileeqqusinermi inoqutigiit aningaasarsiaasa tamarmiusut isiginiarneqarnissaat suliassaqarfinni arlalinni pingaartinneqartarpoq, soorlu ineqarnermut tapiissutit, utoqqalinersiat il.il. pineqartillugit.

Maannakkut siunniunneqarpoq naatsorsueqqittarnerit ikilisinneqassasut qulakkeerneqartussanngorlunilu innuttaasut aalajaannerusumik sullinneqarnissaat aammalu pisortat allaffissornerat annikilleriaateqassalluni.

Allannguutissatut siunnersuut taperserparput aningaasaqarnermullu ataatsimiititaliamut innersuullugu.